

Omničiyé Makhóché

Thaj Av Uas Peb Mus Sau Ub Sau No

Como Lake yeej ib txwm yog ib lub chaw dawb huv rau ntau pawg Neeg Qhab Meskas mus sau khoom ub khoom no coj los siv. Peb yeej muab txhua yam uas peb nco tau coj los sib qhia tau ntev ntev los lawm, tau muab piav ua dab neeg coj los qhia ib tiam mus rau ib tiam, tau muaj lus thov hawm txog dej, thiab tau muaj lus nco txog peb cov neeg txheeb ze uas yog neeg ntseeg txog nroj tsuag.

Lub pas dej zoo zoo nkaug ntawm no yeej coj peb sawv daws los nyob ua ke.

Ib lub chaw rau peb los mus nco txog cov neeg uas peb hlub tshua thaum peb taug kev hauv qab lub hli. Keeb kwm Mni Sóta nrog suab paj nruas, neeg seev cev, thiab kev tuav txoj kev sib hlub uas ntwis zoo li dej nyob ntawm no.

Thaum ub los txog rau niaj hnub no, Dakhóta, Ojibwe, thiab Ho-Chunk cov yim neeg yeej khiav, yeej ua si, yeej nuv ntses, thiab yeej nrog lawv cov neeg txheeb ze noj sib hlub haus sib ce nyob ntawm no. Cov av nyob ib ncig ntawm lub pas dej yeej tuav peb cov dab neeg thiab yeej nrog peb loj hlob.

Peb sawv daws yeej yog kwv tij neej tsa!

Uŋčí Makhá yog peb pog. Peb txoj hauj lwm yeej yog los mus hlub, tiv thaiv, thiab kho nws.

Yog peb sib pab, txoj kev xav ntawm xya tiam tom ntej no yuav xav tau ntau yam heev thiab yuav tsis muaj dab tsi los mus txwv lawv txoj kev xav nrog txhua yam tsiaj uas nyob ntawm thaj chaw no.


Mitákuye Owásin yog txhais hais tias hwm txhua yam thiab muab txhua yam saib zoo li ib tus kwv tij los sis neeg txheeb ze.

Mni Sóta yog Dakhóta ib lo lus uas txhais hais tias, “Thaj av uas neeg pog lub ntuj nyob hauv cov dej.”

Tib neeg Dakhóta yeej muaj kev sib cuam tshuam ntau heev nrog **Wağáchanj** (cottonwood trees). Wağáchanj yog ib qhov tseem ceeb heev rau peb zaj dab neeg uas ntuj tsim peb los ua tib neeg. Nws yeej muaj ib lub hnub qub nraim rau ntawm txhua txhua ib tus ceg ntoo thiab ib lub nris ntoo twg— ib lo lus hais kom nco ntsoov hais tias peb yog ib cov neeg los ntawm cov hnub qub los, thiab peb yuav rov qab mus rau ntawm cov hnub qub.



Español
Hmoob
Somaliyeed
ကဏ္ဍတိုက်
Dakhóta



Ua kev nco txog Tó ič'í ówa (Paints Himself Blue)
Thomasina TopBear yog tus kos cov duab
Tanágidanj Tó Wíŋ (Tara Perron) yog tus sau cov lus